

النحدي

محمود مهران

الناشر

دار الوفاء لدنيا الطباعة والنشر
تليفاكس : ٥٢٧٤٤٣٨ - الإسكندرية

بسم الله الرحمن الرحيم

الحمد لله ، واهب الحياة، أمر بالحق، ونفر من
الباطل، وضع فى القلوب كوامن، لا يعرف قدرها إلا هو،
بعض آثارها يبرز، فإذا المستحيل يعاين، والعقول تقف حائرة
أمام ما تشاهد .

أقر التحدى، ودعا بالصبر عليه، ونفر من الضعف،
وجعل قلوب رواده خاوية، من إيمان مطلوب، وعلم محمود،
وقد سعدت فى الصغر عندما تفتحت غيونا على شاعر يقول:

ليس كالقوة فى الدنيا فضيلة

هكذا قالت لنا الروح النبيلة

قلت : يا روحى هل ثم وسيلة

لتلاقى الضعف والضعف رذيلة

قال : إلا فى طموح الكبرياء

لم أجد للضعف فى الناس دواء

وهكذا لم أجد لديواني الأول عنواناً سوى "التحدى"
الذى به أحياء. وأتنفس. وأجد سعادتي وأبناء وطني، في زمن
عز فيه الرمز. ونذر فيه المثل.

ونحن نواجه ما نواجه من ظلام. داهم الجميع بدخانه
الكثيف الذي يكاد يغطي على تراث قديم قدم الدنيا، يندر أن
تجد له مثيلاً. ولكن هيهات هيهات.. فالتحدي قادم يزلزل
الباطل ليحقق الحق. ولن ينال الظالم إلا ما ناله الظالمون في
الغابر.

م. محمود عبدالرحيم حسني، موهان
رئيس مجلس إدارة جريدة الممار
الأسبوعية الشاملة

أحلام زمان

زمان كان حلمي صغير أعوم بمركبه ورق
وكمان أجري وأطير طيارة بميزان خرق
وأنام ع الأرض سطيحه م الجري ورا السريحه
وأكل بالعرجون عُلق، وصراخي يلمّ الملاء
لكن آهي علقه تفوت وتفوت ولا حد يموت
في الصبح أقوم من بدري، وأصحابي أمينة وقدري
شاطو كورة في شباك نينه الحق صراحة علينا
أجري فُريرة وبيننا، بينا ياللا تحت السلم أحسن نينه هتتكلم
وأمي تسمع تندهلى وتلعن ميتين أهلي
وأكل بالعرجون عُلق وصراخي يلمّ الملاء
لكن آهه، علقه تفوت تفوت ولأحد يموت
جرى إيه فيك يا دنيا تسرقي عمرنا ليه؟
دا إنت أيامك سكسونيا بقى فيك أفندي وبيه

يوم تبر ويوم ألونيا
واللي يتوه يوم تنسيه
لا لا وقف على كده يا زماني
أنا عايز أرجع تاني
للحاره بين اخواتي
وأحلم بمركبه ورق
وطيارة بميزان خرق
وأنام على الأرض سطيحه من الجري
ورا السريحه وأكل بالمرجون علق وصراخي
يلمّ الملا لكن أهه علقه تفوت
تفوت ولا حد يموت

نداء النيل

يا أولاد بلدنا محلاكُم
إيه يا ترى أخري معاكم
أنا أعمّر أراضيكُم
نبض الإله اللي رعاكم

02 12 02

يا أولاد بلدنا
يا عمّ عبده يا حلواني
قول للمدام أمّ تهانّي
الميه خرمت لي وداني
وهي ولا هنا يا أخواني

• • •

على السلالم نازله ترش
تقول لها ليه تقول لك هش

أنا بأنظف قدامي

ما تخلصوا بالكو يا أهلينا
ده النيل حياتنا وشمسنا
والنقطة منه تهمنا
وميته دي عمـرنا
وكمان بيـجري في دمنـا

لازم نفكـر كلـنا
لبكره لو غاب عننا
يا أولاد بلـدنا

يا أهلى ليه بتفرطوا
وفى أغلى حاجة تنقطوا
ويوم ما تقطع تزعلوا

وعلى الجيران تخبطوا
وإن طـولت تعـيطوا

تأخذوا المرتب فى أيديكم
تيجي الفاتورة تنادىكم
تجروا تنذبوا حظكم
طب أعمل إيه وأنا أرضيكم
يا أولاد بلـدنا

زجل (شط بلادي)

يا موجه ياللى دايمًا تهلّي على شط بلدي بعنيك طلّي
تلقى مراسي قبطانها راسي لا يخاف رياح ولا يولي
يا شمس بانّي بأفتح بيبانّي للنور تمللي
على البر مصري - النصر نصري - والعصر عصري
شوف في التاريخ أصلي وفصلي
أنا ابن الهرم والنيل والسد ينطق بلسان ناصر
وسادات سلام عليه بيميل في القدس كان أسدنا الجاسر
وأنا اللي اسمي في السماء طيار
لبلادي حارس وقت اللزوم مغوار
أبني وأعمّر أرضي ووادي وبنية قوية لجل أولادي
وتشكي .. أهيه أرض أجدادي فيها الخير والهنا لأحفادي
ومصر سفينّة السّور دي ودادي
قيد أنوارك وانسى ظلامك خلّي سلاح الحب عمارك
وأنا ريس مصر المحروسة
وتاريخي وكفاحي مبارك

الخبيـه العربيه

يا اخويا يا صاحبي يا بلديه
يا رفيق الوحدة العربيه
مـبروك عليكوا الجهاديه
ونضال أمريكا الخليجيه
وملوك ليها وقفه إنما هي
يا أخى هيه شوف إيه
دى مراكب واقفة وفى الميه
وقواعد طيران دوليه
وولاد الكلب الحراميه
يا خي هيه دول إيه
فلتحيا حياة الحريه
فى أرض الدول العربيه
يا خي هيه شوف إيه

إحنا اللي زرعنا الملوخية
وشحتنا القمح العالمية
وعملنا سندات دولارية
لمساعدة أخواننا الفقرا
يا خي هيه شوف إيه
فلتحيا خيبتنا العربية

نجع الغلاية

بارسل إليكم يا أهلى بصوت الربابة
أجمل تحية لنجع الغلاية
وبعد السلام لأخويا مظلوم
بأطمنكم على أحوالى فى بلد الغريب مهموم
وبأقول لكم العيشة هنا زينة وفى غزة تنينا لجل الشهيد
مرحوم
واحنا قريبين منكم وعلى الحدود بنروم
والنار يا اخواتي كاويانا كي الحموم
وقلوب أمهات بتفرفر لضاها كل يوم
والعويل ويأ الصراخ مكتوم
والطفل يتولد يرمي الحجر باسم الله يكون السهم المسموم
لعدو الله، الأمن أبداً ما يدوم
في قلب صهيون اللعين رهبة والخوف والرعب بيحوم

بعدها قال دي أرض الحاخام شمشوم
والكل أخرس وأصم بصمم محموم
والأم تبكي على اللي راح من غير نواح بتضرب
الأرض ، وتزلزل
برجليها جيش الأعداء ، لما الصراخ بقى أرغوم
والعرب ساكنين الملامى والكل لاهي اللهو المحتوم
والله ما راضي على سفه البوادي والحي قيوم
وأنا للشهادة باستنى لجل روى يتهنى
ويغنوا حكايتي على الأرغول

حب العار

بأحلف لك بالمولى في سماه
يا حسن يا ابن نصر الله
إنك نعم زعيم لجند الله
وإن جهادك عن لبنان ربنا يرعاه
سيبك من إلهي قالوه وعادوه
أصل يا شيخ ... الرب نسوه
وحبوا العار ... والذل رضوه
وكل آمالهم بوش يرضوه
والمقاومة دي حق علينا
ومن حقنا نحمي أراضينا
لجل حياتنا يكون لها قيمة
إما النصر وإما شهادة تحميننا

واللي بيجرى في غزّة الكلّ شافوه
هدّوا بيوتنا وقتلوا شبابنا وإيه عملوه
إللي اتلموا ولاموا علينا وطننا باعوه
وقالوا مغامرة ورواية مرّه وإللي قالوا
عدو الله سمعوه

خلص الكلام

خلص الكلام يا أهل الملام آخر تمام على اللي قام
شجب وقال : شوفت منام خير الله ما اجعله خير
قال شوفت الحاج بوش .. أبو الوحوش قال لابس
أبيض ... قاعد في حوش ... ماسك سلاسل رابطة
كلاب مالها وشوش طالع همام .. للعم سام .. نكس رؤوس ..
كسر نفوس .. يسفك دماء .. ويقول : سلام .. يضرب بارود
ويقول وعود والكل يهتف تعظيم سلام يحيا الهمام
اللي مشجع العم سام اللي قال صهيون ده يعلى ويعلى
فوق المآذن والكل نام والرب أعلى لكن وقعنا
وفي القدس مازن والشيخ أمير صاحب المعالي سلطان نادالي
وقال يا أسير اوعى تفوه بكلمة واحدة غير السلام
صحت الكلاب في الضلعة تنهش وبقينا توه
والفجر غاب في بلادنا توه يا أهل الملام خلس الكلام
وبقيت أحوالنا آخر تمام

هلاهيل

هلاهيل اليوم إتباعوا في مزاد
فيهم كل تراث الأجداد
يا الله في داهية دى خيبة وزاهية للى
بعاد قدرى رمانى أرجع تانى وكان
ده ميعاد جيت لك يا أما وأخويا فهم
راجع ليك وحلمى نعيم
بعد غيايى وغربة ليالى كل آمالي أعيش
في وطنى كريم أنزل . أجري . أدور . ألاقى
في ظلام وأثيم كيلو العرض بقى بمليم
حتى الأرض ملكها لنيم ضحكوا
عليك يا خضرة ولاد البعدا
ونهبوا في ناسك وحكموا على اللي تخشى
المعدة لقمة حنضل كلها حنضل تحرم على

وقفننا القعدا الأستاذ محسن راجل يدري
يهبر هبره كبيرة ويجري وقبل الناس
ما تحس وتدرى على المطار فريره يا تدرى
وفى برن بنوك تفتح من بدرى
وكرسى يسهل كل شريك مهما
تهزه ما هيدوم ليك يا سي سليمان الحق عليك
كنت امبارح من الصعاليك واليوم باشا
جناب شرابيك بس حقيقي الله يهنيك
دوس عمال على أد ما تقدر خلي فلوسك
تكبر تكثر كوش قبل ما غيرك يحضر
ولا مزاج صاحبك يتعكر الحق قبل ما حد يفكر
ابني وعلي بنانك أكثر الانتخابات الجاية
أمانه تأخذ لك دورة يا عم حجازي
تخلي مزاج الكل لزاوى ده في الميمون
كله مأمون والحظ مجازي الأعرج عملوه عكازي

أهه حصانة لأي مهانة والعالم ربنا بيجازي
في الإدارات كله بيتصالح تدفع ترشي لكن للصالح
أصل العمدة بتاعنا ده صالح فيه لله والدنيا مصالح
في المستشفى العام دكتور يكتب أحلى روشته
لدور اللي معاه يشتري غندور والغلبان يشتكي
ويغور حتى دواء العيان فيه جور دستور - دستور
دستور ليكوا يا أهل الحضرة أمانة ياللي زرعوا
فساد في وسط موادنا لبانة الخير ليكوا ولمعالكم
حكم الظلم علينا مهانة وبين أوراقك تهت يا قاضي
ما بقيت فاضي تحقق عدل قانون مولانا ابن المشطة
لبس ترجال من كورة لعبها مع عيال وابن الأصل
ده حاله حال دخل الجامعة يأخذ له شهادة لجل
يغني بيها الموال على قهوة زينهم سهيرة
هاربين أوي روحهم من الحيرة يشربوا شيشة مع
الحشيشة ويلعبوا طاولة ويشربوا بيرة : أيوة أنا جاي

خد قهوة وشاي مع التعميرة المليون مابقاش له قيمة
والأخلاق تقليعه قديمة حتى المية بقت خصاخيص
يرحم سدي ده أبويا وجدى كانوا فهيمة فحتوا
الأرض وردموها تاني شافوا فى الحفر ده أحلى معانى
وده الهام أصله رباني سرقوا جاموستي وحلبوها تاني
ملعون زمنك يا ابني يا قاصر يا مملوك عهدك ومحاصر
يا حرفوش ما بقاش فيه ناصر يرجع تاني في وسط قناصل

المهرانيات

أنا كنت حنة بمبه يا بيه

م الواد الصايح ابن الإيه

اللى الحشرات بتعفّ عليه

خصصوص أفندي بُرم بيه

* * * * *

السل الأقرع جالي يا ناس

آل عامل خيشه ابن الفلحاس

وأتاري الفهم عنده مقاس

والجزمة بتاعته فيها ترباس

* * * * *

عملت معاه العقد وقال

دا اللى مضاه ريس متقال

والنصبه اتحبكت من الأحوال

والكل وراه ردّ ما تقال

❖ ❖ ❖ ❖ ❖ ❖

أعدني وقال رضا وإنساني
أنا يا ابني الدّش هنا في مكاني
والبوس السل وده عنواني
روح شوفلك شغلّه في مكان ثاني
حيلته كتير بضمير إنساني
إنه غلطان فهمه حيواني
عملها الندل با أحلى معاني
وقال متقال هوّه اللي أذاني

❖ ❖ ❖ ❖ ❖ ❖

جريت وشكيت وقلت ياهوّه
واللي يشوف جرحي يقول أيوه
من هنا وهناك صراخ وألوه
وكتير مجاريح يدعوا على أبوه

السل اتباهي بظلم أخوه

21 22 23 24 25 26

رفعت قضيه وقلت يا ربي
تخلص منه عذابي وغلبي
وتنصر عبدك وتكون حسبي
وتعلي ميزان الحق في دربي
حكم العدل وقال : بلسانه
سقوط الظلم بحق مكانه
ملعون السل وزيف أعوانه
كان أصله سفيه والأصل بنانه

27 28 29 30 31 32

وبرغم الرايه اللي رفعناها
والحق أهو بان وإحنا اعلنها
السل يقول لأ وأنا لها
علي الباطل واقف بستانها
والكرسي معاد والكل وراها

وأولاد الناس اللي قبلناها
طب إيه الحل يا رب معاها
السل عماه ربنا ومحاها

* * * * *

شكيت لكل حاكم في ولايه
ابن العرس وابن الدايه

* * * * *

لقيت الكل عطوف ويبايا
لكن الإيد قال فيها سلأيه
والتليفون في الحل بيون
وقف يابن الكلب لأن
ويقول حاضر أصل لكن
راح الحق وضوته بيرن

* * * * *

واللي قاللي الجق معاك
تدفع كام وأكون وياك

أصل ظروف في اللي مسعداك
يمكن يا ابني أكون في هواك

* * * * *

نشرت حالي كل الجرائين
قالوا كلام في القلب دفين
آخرتها ها أمسك سكين
واجري وراه منين مايكون

* * * * *

عقلي شت وشعري شاب
من الظلم اللي ماله حساب
كله سكون وكله هباب
بيعلق منشور على الباب
تعب السل وعقله داب
من صبرنا على ظلمه وقهره
غاب الوعي عن غاب

بقاقة حب واعتزاز

يا معمر دمت لوطنك ذُخراً
فأنت البار بقومك غانماً
وكننت الجرىء وللشدائد قاهراً
تقربك عين الأمة ساهراً
لأمن ليبيا كنت الحريص دائماً
وكمهدك لشعبك راعياً ومعمرأ
عميداً للقارة فاضلاً
بين الساحل والصحراء متنقلاً
تبغى العزة لقومية
لم يعد لها فى الوجود ناصراً!
فالله معك يا أباً محمد
من أرض الكنانة شعب بحبك هائماً
يهديك أرق النسائم المملوءة لك معبرأ
ولشعبك العريق حاملاً
باقات ورد بالنفحات ثائراً

لا للتفكير

ممنوع عليك تفكر لأنك مش إنسان
محظور عليك تتكلم وأنت عربي جبان
وأوعى في يوم تعب وأصلك كان حيوان
مطلوب منك تخرس ويكون مالكش لسان
مفروض عليك الصمم ولا تسمع زي زمان
إن كنت شايف غمض وإن شفت تشوف خزيان
خراب ودمار وأشلأ مبتوره لكثير من الإخوان
ماتقولش أنك غضبان كفاية تقول زعلان
واضحك على اللي بيجري وحييي بشدة عنان
ونصيحتي ليك تتعلم ذل الأمريكان
دي فضيحة عربي مسلم بأوامر بوش قرآن
والضعف ده من حكامنا سلبونا من الشجيان
لا هزيمة ترجع لمة ولا عاد لبركه أمان

ووطننا إتمزع يا أمة وخلص بقينا خرفان
عراق وغزة بينزف بركان عملوه فى لبنان
والكل واقف مستني يخشوا في السودان
وفي كل العالم لطفة ومافيش للحب مكان
ونزيف الدم هيكثر وهنغرق فيه غرقان
كان نفسى عربنا عراتنا يقوموا زى إيران
ويقوّوا جسور عربتنا في مواجهة العدوان

يا عمري اللى

يا عمي ياللى شايلى قصعتك وعلى الكتاف بتشيل
والظهر من طلقتك محني بحمول بتميل
والحمل على جتتك قوة ومرار وعتيل
تعزف بعمر الشقى تحلف بطول الليل
آخرتها إيه طلعتك على سقالات بتميل
والأرض اللي جببتك غايرة وكلها قلاقل
امتى تلاقي سكتك بعد العذاب والويل
تحلم بيوم ولدتك أرض الهرم والنيل
تعيش رأسك مرفوعة بعيد عن المخابيل
واللي حكمنا هبلنا وسكاتنا على المواويل
أحكى يا عمي وقول على اللي حصل فى زمانك
لا تنحني ولا تخشاش حد يشد ودانك
ما أنت ودانك قطعوها

ولا فيش حاجه سمعوها
غير السقيف باليد للقايمة اللي جابوها
وإن كان لسانك لسه جوه فمك طلعه
وإن كنت خايف من فضايحك إقطعه
دى الفضيحة اللي أنت فاكرها فضيحة مفخرة
يوم ما قلت لا وانت عاقلها يا عنتره
هَمّا صحيح شذو لجامك وكتّفوك
أيوه صحيح من يومها وانت أخرس وعلموك
إن الإشارة عايزه أماره وينجوك
من بعدها وأنت شارد وأمريكوك

أوصيك وليدي

أن تثار لي من كل يهودي
وتفجر ناري على المراسيدي
وتسقى الدم في رضع حفيدي
وتصبح بعد الغد شهيدي

أوصيك وليدي

أن تحرق كل فريق أمريكي
وتغمر لغمي في كل طريقي
وتشدو بلحن الموت شريكي
فانت وأمك تكلّي حريقي

أوصيك وليدي

أن تملأ كل العالم نارا
وتحرق كل ما فيه عمرانا
تكون فداءً أو قرباناً
من أجل القدس كن بركاناً

أوصيك وليدي

أن تحيا حتى حما الأوطان
وتكون رسولاً للإنسان
وترانى أرفرف فى الأكوان
وأفك القيد عن الكتمان

أوصيك وليدى

أن تنشر عنى فى كل زمان
وتكون مهاباً فى البلدان
وتعد العدة للأحزان
لكل بيوت الأمريكان

أوصيك وليدى

أن تُبقى الغد لبنى صهيونى
وتشد الجأش لكل بنون
وتكون رهيماً أو مجنون
وثبت الرعب حتى يكون

أوصيك وليدى

أن لا تتبع هوى الحكام
فتكون ذليلاً بلا عنوان

فتتظّل شريداً كالحيوان
وتطفأ نور شمس الإنسان
أوصيك وليدي

ألا تكون كلباً عربياً
تجر بأيدي أمريكياً
وتحنى لوضيعاً إسرائيلياً
وتعيش ضالاً أو غجيراً
ولن تكون أبداً آدمياً

أوصيك وليدي

أن توقد شمعك للأحفاد
وتمحو العار عن الأجداد
وتسمو بخلدك في الأمجاد
وتكون عميداً للرواد

أوصيك حفيدي

أن تمسح دمي من الأجفان
وتهدى روعي مع الأكفان
وتكون وفياً للأوطان

وتغني نشيدي مع الألحان

أوصيك حفيدي

أن تسكن كل آلام الجرحى

وتغرس فيهم زهو وفرحه

ولا تشمت بي لما حدث البارحة

فعمق جراحي تملؤه الفرحه

أوصيك حفيدي

أوصيك وليدي

أن تهوى شرب دماء الخونة

وتعشق رمي الحجر بقوة

لنكون وساماً للحرية

وتصير لقومك نبته قوية

أوصيك وليدي

حلمي أكون إنسان

أنا حلمي بسيط مش صعب
إنى اكون إنسان
أعيش ما بين الشعب
ويكون ليه لسان
ولا أخاف من جوع ولا رعب
ولا يبقى اسمى جبان
حلمي أكون إنسان
لوطني شعار وبيان
ولا أقلد يوم الغرب
وشريعتى من القرآن
أرمي فى أرض الحب

وَأَكْلَ مِنَ الْأَغْصَانِ
لَا أَخَافُ مِنْ ضَرْبٍ وَحَرْبٍ
وَلَا ذَلٍّ مِنَ الْعَدَوَانِ
بَسْ أَكُونُ إِنْسَانًا
أَعِيشُ بِقَشْرِهِ لَبِ
وَلَا أَشْكِي مِنَ الْحَرَمَانِ
وَيَكُونُ دَسْتُورِي الْحَبَّ
بَعِيدَ عَنِ الْخِزْيَانِ

يا أمه يا أبويا ودادي

يا خيبة تركها أجدادي
يا ما في الخراب مدفون عدد التراب في بلادي
يا عرب يا اعراب يا مسلمين عبادي
صهيون حكم وشارون شرد صبايا الوادي
حكم وحكمه هوان فرق ما بين أولادي
بيتي بقي مسكون بأمر اللوبي وبنادي
وأنا غريب في أوطاني وبوش بقي من أسيادي
سكن الخراب في ديارنا والحين بقي مش عادي
حتى الكلام بحساب أمرك يا سيد أسيادي
نشجب وننكر لكن ألفين تحية لدادي
الوش ليه ميت لون وسكوتنا بقي مش عادي
مونيكاً لصوتها رنين واحنا العرب نبهادي

مصيبتنا في بيتنا

مصيبتنا في بيتنا .. حشت رجولتنا
صَحّت جَوّانا خيبة حكومتنا
قتلت ثورتنا عليت صرختنا
والدّم السائل ينزف لسكاتنا
صهيون مرمطنا وشارون فتفتنا
ضاعت عروبتنا - خرس كلمتنا
ماتت في قلوبنا - قوة عقيدتنا - وضاعت عظمتنا
فينكو يا شارونائنا - يا حماة أمتنا
وجيوش معاليكم سَكّان سراياتنا
فيه إيه لسه
بعد رصاصة غدر في صدر رضيع
بعد القدس ماتدنس بخطوة كلب وضع
بعد اليتم لكل ولادك - بعد الجوع والتشريد -

لجل شرفنا يوم ما يضيع
وَألف شهيد وفدائي يضحوا عشانك
دى فلسطين يا عرب بتضيع
زهر شباب الأمة بتجرى دماهم فى الينابيع
جرفوا الأرض .. نهشوا العرض.. وقتلوا زهور فى أحلى ربيع
شنّعوا بينا وبأهالينا مع رفات الموت أسابيع
فى أيه لسه يا جيشنا يا عربي علشان تصحى وتبقى شجاع
يامر بوش الشارونات أن جيش العرب للبيع

يا سيدى ارحم الخلق من ضرب البلغ والصرم
واملاً بطون الناس وإن ضلوا إشكي الأمم
وكيس الهم بالفاس على اللي باعوا الحرم
وكرسى الفحم للرأس وإن مالوا صَحَي الذمم
وصف الصفوف صفوات صفوتها ابن الارم
بوش نافوخ الخلق علمنا أكل البلم
تمسي تنام مرووش تصحى قفاك يتكرم
وعبيد فى غير الله حكمونا شر القرم
كنا ولسه قاريها فى كتاب أزل الأمم
تونى يخبط فينا وجو يشد الهمم
وعراق بيضربوا فيها والكل زى الصنم
وشارون بيحكم فينا فى القدس رفع العلم
دى ثقافة بنت لذينا عن باول ابن القمم
فرق ما بين اخواتى فى الجيرة أو فِ الهرم

كنت الفاتح والبالى خلونى ابن الظلم
نادوا على بينى وأنا أصلى كنت البرم
مصراوي كلب اليانكى أسير هواه محترم
لدينه باع واشترى
فى ودانه داء الصم
ولسانه عمره ما قال غير شجب للى إتظلم
أنا ابن الزمن اللى ما يرجعش
إبليس غوانى وشالنى فى نعش
حتى كلامى ما بيتسمعش
وشيطان هيامى ما بيطلعش
وانا اللى بأغضب رب العرش
محكوم عليه أنام على البرش
واجوع وصوتى ما بيطلعش
واسمى حتى ما بيتكررش
عائش مطاطى ولا بأفكرش
والظلم طال واللى بيرمى ما بيصبرش

والفقر عم وما يرحمش
والكل خان وباع وضحى ولا يخجلش
والكرسى عرشه حماه سلطانه ولا كبرش وتدور دواير
والكل حاير يا الله بقرش
وأبو العمامة فى لندن حمامة هناك ما بطرش
تلاقو ياما منهم هياما كبير الكرش
واللي حلمه إنسرق مننا مع إنه عارف التاريخ ما بينكرش
زادو الأرامل سقطو الحوامل
حتى اليتامى صبحت عيونهم ما بتدمعش
دهسوا الطفولة قتلوا الرجولة خرموا الأوزون فى عين الشمس
هلفوت يموت يعيش هلفوت هى الكواكب ليه ما تدورش
قالوا وسمعنا ونسينا معنى إن الكرامة آيات ما تهونش
وأنا نجمي عالي فوق فى العلالي لاضي يضوي ولا ينزلشي
متبوع وتابع يأكل بلايع بأبيع أصولي وأرضي الحنش
بوش نفوخي وجه صاروخي لضرب الهنش
شربني بليرة عرق وخمرة وقال لي يا مصري ما تتكلمش

لا يا خضرة للإرهاب

لا ولا ١٠٠ لا لشرعة الغاب
لما الجرم يكون عنوان متكرر يوم ورا يوم
وفكر أبو جهل يطيح ويدير كيف ما يكون
يبقى علينا نقوم من النوم .. يبقى علينا يا خضرة اللوم
ما احنا ولادك — احنا شبابك عهد علينا ما ننسى التار تار
شيماء — تار أطفال يا خضرة صغار
حزقوا قلوبنا يا خضرة عليهم
قادوا النار فى قلوب أهاليهم
غرسوا بذور الكره دول تتار
التتار المصرى دول تقلعة جديدة بتضرب نار
مش للنار ولا للعار ولا بيحاربوا عدو بينهم
أو مستعمر هنا غدار التتار المصرى منا فينا
بس انشقوا وشتوا علينا
ولا كان بيننا حوار وكلام ولا أحلام
قالوا كلام عن التفكير عن التدمير عن التقييم

هدوا جسور الأمن وقتلوا وخانوا أولادك
وبتصميم لا يا مصر يا بلادي
ده أنا بأحميك طول لياليك مش ده ذنبي ولاده المصري
ولا ده الفكره تأثيم وأنا مين يا مصر يا أمي
أنا باسم وخاطر وعيسى وطعيمة وغيرنا كثير وكثير
إحنا اللي الغدر طعنًا بفكره وجهله
وهننا يا غالية لجل ما ترفع الله أكبر لجل ما تحمي العرض
لجل أمانك يا اما عايزين وقفة
يا مصريين يا ولادنا وإخواتنا صدوا عدو خطير بفكر الجاهل
يسرق ينهب بعمل دعوة للتخريب - للتدبير
دافعوا عن أمنكم وأمانكم عن أطفالكم عن دياركم عن اللي
ضحى بروحه علشان ما يحمي دياركم ويصون أمالككم
وراح ضحية للغدر قدام عيونكم
اصحي يا مصر وضميني في صدرك
وضمي كل أولادك ليك قبل النوة ما تسرح بينا وبينا

يا أهلى وناسى فى كل ركن من أركان وطننا اللى مش راسى
يا اللى عايشين القضية وعارفين لعبة حكام الكراسى
الأرض بتضيع على حدودنا من كل جانب
برغم قلة عدد العدو وكتر أهلى وناسى
العرض والشرف مسألة ما بقتش تهتم المرجلة
معاك دينار تبقى فى مدار
معكش تبقى المشكلة والسوس بينخر فى أجسامنا كلنا
من كثر همى فقدت إحساسى
الكاس شربوه عربنا قبلنا وأهلنا فى الأندلس
وفى شرقنا استهدفوه والهدف أهلى وناسى
فلسطين جرحها لسه غاير وبينزف كل يوم ويوم عن يوم
ببىزىد شهيد وببىزىد شريد والمسلمين يا عرب نايمين فى العسل
والكلام معسول ولا يواسى بلد الأرز الجميلة لبنان الصغير
ياما عانت من حروب أهلية وخلافات طويلة
وأطماع سببها أهلنا اللى مننا خلت العدو
ياخذ كثير من أرضنا لجل ما يرضى ضعفنا ويظهر شكائنا
بيهددوننا بتشريد أمنا

وقتل ابننا واخواتنا مش راضين ولا عايزين يدافعوا عننا
ولا حتى بيت بيضمنا غير للشتات والشتات بينا وحولنا
والجولان دى من زمان مستعمرة ونفوس اخواتي فيها متذمرة
إمتى ترجع لينا أرضنا ويغور كل غاصب عننا
ورفح وغزة والحدود اللي رسموها لتقسيم أرضنا والبساط يا
خلق بينسحب من تحت رجلنا
وهنغرق في بحر الصهاينة كلنا
والدليل عراقنا راحت والخيانة بقا صوتها عالي
والرسالة بقت حالة وفي بعضهم بيطحنوا
بعدها بالقنابل دمروهم وبالفتنة حكموهم واشتروهم شالوا
وحطوا
لكن كراس وغَيروا
أصلى وتراثى ونهر دجلة لوثوه والفرات يا ناس باعوه
والكل شايف المصيبة والصراع
عمال بيكبر الهدف راسمينه أكبر لسه مصر والسودان
وسوريا جاية في السفينة
سفينة قبطانها اللعين وأفكارها مرسومه ومحسومه

وبفلوسنا بيشتروننا من جهلنا بان ضعفنا
يا عالم يا تايه مننا يا إما قعدة تلمنا
نجمع فكرنا ونقوي بعضنا
علشان ما نلحق ندافع عن وطننا وأرضنا
وبلاش خلاف وبلاش سفاف وبلاش نخون
ونهين في بعضنا هنروح ونغرق كلنا
تعالوا نصفي وبلاش نغش بعضنا كلنا
فرطنا كلنا أسباب واضحة في تشريد أمننا
ومقدساتنا اللي هانوها وبلاش إسرائيل تكون شوكة في ظهرنا
عايزينها تبقى تحت رجلنا
بين خرسنا بالإرادة بالعزيمة بالإيمان
وبلاش نسلم نفسنا لبليز وبوش يحكم أمرنا
ويارب تسمع مننا ونقوم ونصحا لوحدا
نلقى وطننا يضمنا من غير حدود ولا حواجز
تبقى البداية من هنا

صباح الخير يا مصر

طلع نهارك والسعي زاد على الأرزاق
لا فيه تعبان ولا كسلان والجو راق
كلنا صاحيين - كلنا رايعين على الأعمال -
بنات صبيان - رجال ونساء - حتى الشيوخ كمان يا سلام
يا سلام يا مصر، يا سلام يا مصر
على الأرض اللي زرعها الفلاح رمى لها كفاحه وعرقه
طرحته له ثمار تفاح
خلاها بساتين وجناين تنزل فيها السواح
يا صباح الخير يا مصر
صباح نسمة عبير في دارك
يحمى حماكي يصون جوارك
شفت النهار هنيه في مدارك
يوم ما الوليد في مايو زارك

كان ده الشروق كان ده فنارك
من ثورة حسني كان انتصارك
طاير يطوف من فوق عمارك
مبروك يا غالية ألفين تبارك
عشتي وعاش ليك مبارك
الله أكبر على عمالك خلّو النهضه طريق عمرانك
تسلم ايديهم الله يزيدهم ولسه يا مصر
ياما بجرالك بصي يا مصر لابنك طالب لف العالم للعلم
طالب صامد صابر على المصاعب علشان يرفع شأن بلاده
ده انتي يا مصر - حضارة طويلة -
ليك أمجاد على الغرب كثيرة إنت يا مصر انت أصيلة-
إنت برضه أم الأبطال
انت يا مصر دولة عظيمة يا خضرة يا أم الشجعان
يا بستان ورود العالم يا أصيلة يا أرض الفلاح
مجدك عالي شرفك غالي طول عمرك أرض الكفاح
يا صباح الخير يا مصر

يوم الأسود

صبح الصباح
والدنيا لسه معتمة
والشمس طالعه بدون شعاع
ومضلّمة
سألت. شيخ علام وعالم فى العلوم المعلمة
على شىء قالود أهل الزمان فى غير زمان العولة
سكت وقال : ده النهار الأسود
اللى طلع عليك يا أمة مسلمة
هو التاريخ زيف كلامه عنكم
ولا كان بيحكى عن أمة عكرمة
بعد الطهارة ما اتدنست
أكبر مافيك يا أمة مسيلمة
لا دمّ حار ولا غبار

ولا خيول مسومة
والعرض صار زى المسار
لا نخوة فينا ولا شهامة تلمنا
والدين غريب صبح شهيد
فى أرض المرحمة
والقدس يشكي لرب الخلايق
ويرفع مظلمة
والبوسنة تبكي على أحياء دفنوا فى مقبرة
وكابول حزينة على الدماء المهذرة
وبغداد بتحكي سنين طويلة من الحصار متذمرة
والضعف بان زى البيان لكل والى من ولاة المنظره
والكل سكتهم فى القلب يكتهم من بوش لا يبقى مسخره
ضعف الإيمان خلى الجبان ينسى الإله
يرضى بلير فى إنجلتره

قالوا عن مصر بلد الملايين

أنا قلت أمين
وده زمان كلام الشيخ أمين
وكلموني عن العز اللي إحنا فيه من سنين
قلت وماله ما أنا شايف بالعنين الاثنين
واسماعيل طفش من الناس اللي بيحسدوه
على اللي هو فيه
وعلشان كده... بتوعنا .. كبار المسئولين
حبوا يفرحونا .. ويهنونا .. ويعزونا
فقالوا : نعملوا الناس صنفين :
صنف يعيش ف العز
والتاني ما يعرفش طعم الرز
يشوف بالعنين
وكان فيه واحد من الطريقة الشاذلية
عمال يبص على الاثنين

ونازل قر عليهم يققع الأسافين
بس أنا محتار
وفي قلبي قايدة النار
مش عارف ابقى تبع مين !!
العز ولا الشاذلي ولا أبو العينين

خطوة ثقيلة

يا نصر جاى ومستنى وقفتي
وثقيلة عليكم مشيتي
أعذروني مش قادر أرفع رجلي
وأخطي خطوتي
لجل القيود من جديد
وفي مصر وسوريا والخليج
بدعي لك يا أخويا تكون منصور
ولكن ما بينا سور
يمنع وصولنا ليكم
مع كل أماننا نجيكم صور
ومن عندكم بدأت بدايتي
ولبنان الجميلة كانت الضحية
وفي فلسطين بتموت القضية

وفي العراق مليون شهيد
ومليون عراقي غيروا الجنس
والفتنة غائرة ومتدارية
وفي كل عصر جديد علينا بتموت قضية
وتبدأ قضية
والحكاية هي هي
منذ انهيار الدولة العثمانية
والضعف بيننا بيستكين
وانكسرت شوكتنا من سنين ورضينا
نبقى مكسورين لكل ملة ولكل دين
الدفة ليه اتغيرت وبعدت عتْنَا من شرقنا ومن غربنا
مع إننا أصحاب تراث وعلم وزعامه
والمال كثير بقي عندنا
لو مش عارفين للتاريخ ارجعوا
وشوفوا إيه أسباب ضعفنا

العالم كله بيتحد
واحنا بنبيع أرضنا
ولا الرخاء خلانا ننسى أصلنا وفصلنا
وخوفنا على الدنيا خلانا ننسى ربنا
يا ناس يا هوه حد يلمنا
ونقعد مع بعضنا من غير ما يطفى علينا جهلنا
ولبوش وبلير نسلم أمرنا
وبلاش نخاف ونقول ولادنا وبلادنا
بلادنا عايزه رجالة وحصن عربى يلمنا يحي إرادة شعبنا

لاموا على الولد صبري وأبو عدي
عيقولوا ليه دايماً طفشان يا عبادي
عنّا بترحل يا عمّ وما عدنا عنشوفك على غرزة سعادي
قلت لهم همي كبير واليوم مش عادي
من ميتته يا ولد عنترك ديارنا ونولي البعاد
ده البعد والله شين والعالم ربنا بوعدي
قلة الحيلة يا صبره يقوى على الترحال
كيف حالك يا بنتي والله شايله كثير أحمال
والله يا خال من يوم رحيله ويّاك ابن الحلال
صابر الله يسامحه من يومها واديننا على ده الحال
لا المكتوب بيظمن ولا على الدار وجوه تتحول
ولا حتى عموم العيال
انكشف مستورنا يا خال والبلد كلّاتها عرفت الأحوال
لا عاد قيراط ولا فدان وإنّ السبب يابو نادي
قلت لصابر يسيب أرضنا وزرعنا في الوادي

من يومها والله يا خال وأصبح حالنا مش عادي
عيبعت مع كل اللي يتدلى قرشين عوادي
لكن لا المال يغنيننا ولا كثره يعمينا عن صابر أبو أولادي
الولد صبح وليل يقولوا أبونا وين بدنا فيه يا أمايا حتى
تعود أيامنا أفراح وأعيادي
بيني وبينك يا بنتي حديث كثير كثير
ومش عارف أرد عليك بايه وكلامك عليه عسير
ولا عارف أقول لك حاجة ولا كيف الحديث بصير
خالك يا بنيتي تعبان .. من الفكر النافوخ هيطير
كيف إن أبيع أنا أرضي وأسافر غريب وأجير
وأرجع كده عطلان كيف اللي ماله مصير
من الغرزة للدوار أسد البراري أسير
يكفاك كده يا عبادي يا ابن الأصول والخير

أشتكي زمني اللي فات

مات أبوى مات واتوجعت بكل الأهات
مات أبوى مات وانقطعت كل الصلات
واتغير زمني اللي فات واتبدلت الذكريات
والسند بقى للسكات والحياة صبحت بدونه تنعي اللي مات
والأخ مات أبويا مات والحياة صبحت أهات
والدموع فى عيينه جفت من بكايا على اللي فات
مات الغالى مات والأنين فى ضلوعي بات
بشكى آلامى والكلام بقى للسكات
والسند اللي حماني وكان أمانى بقى ذكريات
والطريق اللي وياه مشيته يشتكي مرّ الرّفات
والأهل حضروا وودعوا ينعوا قريبهم اللي مات
وبعد ما شالوا ووصوا اتوزعوا وانقطعت كل الصلات
أسأل عليهم يوصلوا حر الوداد قالوا دا مات

وبقيت وحيد اشتكى زمني اللي فات
ذلى وهوانى ووحدتى بتحكى بعدك يابا آت
فاتت علينا أعياد كتير لاحد قال كلمه
ولا صبح ومساء ولا سلامات والدنيا لهت خلانا يابا
والعيشة فيها جفن غرابة
والناس يا ابويا بقت في غابة تنهش فى بعض زي الديابة

قلبي لشوقك قايد نار

طبقك مجرى الدم فى جسمى ليل ونهار
روحى معاكى وتايهة فى دنيا غير دنيانا
بقيت محتار عمرى اللي أنا عشته لك
أديته لك ووهبتوا لك لما لاقيتك جوه مدار
كان دا بداية ولد جديد
فى أول شقة لقي نهار حالى مرار فكرى اندار
يوم اديتى ظهرك ليه
يومها خطيتى قوام عديتى بسرعة جريتى
وانا مستنى ليل ونهار
ونفسى للحظة اللي تركتيني جرحتى أنينى
شهدها النيل لما فارقتيني شاركنى أسايا
ودب أنينى لما رجعت استنى سراب

وامشى حزين ولا فيش أخبار ليه تلاوعيني
ليه تَجِينِي مع الأسرار
خايف ألا يكون طبعك غدار
مهما تقولى مش معذورة ولا لاقى مبرر ليكى
أن تعيشى ولا تعيبى فى حبيبى الطاهر ليكى
ولا تكونى لعبة أقدار

إخوانى سكان بلادي الحبيبة
على ضفاف النهر الجميل
فى الأرض العجيبة بين الناس الطيبين
واللى سكن ما بين رمالها رفات جدودى
ومن ميتها ارتوى كل العطشانيين
بعد السلام
وحلو الكلام
هاكى الحكاية اللى ابتدت تمحى آثاركم
من بين شعوب العالمين
ها أقول لكم احوالكو ليه بقت غريبة
وعادتكم اتمحت بألف عيبة
وكل حاجة فيكو اتغيرت
لما حياتكم صبحت مرببة بين الظلام تايهين

ورا الشعوب تابعين

وفى أى موقف مالكمشى هيبه مشردين - مفككيين -

من غير روابط متساقين

وفى السواقى مربوطين

ومحتارين من أصولكم معدومين

الهوان

وجه اليوم ياما اللي أطاى راسى
وانسى كل معنى للرجولة
جه اليوم اللي أخبي نفسي كالولاي
وألقى الهرم من ارتفاعه واطي
كان زمان بيعلمونا ويفهمونا
إن الدفاع على الأرض واجب
وإن الشرف هو سراطي
ويقولوا لى أوعى يا سبع فى يوم تطاطي
الله الوطن فى قلوبنا
على الشرف هيكون مماتي
والشهادة فى قلب مؤمن
والسجود لله يوماتي
ليه تخاف من شىء ما كانشى إلا بينا

هو مات عنتر زمانه
ولا ضعفى من سكاتى
لما العرض بقى فى الأرض
والرصاص قتل زناتى
والخيانة فى دمنّا تجرى فى عروقنا ليلاّتى
والنخوة هربت منّا أعراب وهما همنا
واللى كشفنا ابن الفلاتى
شارون بيقتل أمنّا واحنا بنتفرج يوماتى
وصرخة بصوت أختنا بتقول يا هوه ولا مين يهاتى
واليتّم وشتات أهلنا وإحنا نشجع كورة ودانس وأفلام ليلاّتى
ولا عاد فى شىء بيهمنّا شالين - خارسين صامتين ودنّا
والأقصى إتبرأ منّا
وانتوا يا عرب يا ولاد عمنا بقيتوا أسباب غمنا
وبوش بيحكم أمرنا ودنس أطهار أرضنا
والحرب على الدين واحنا ولا هنا

ولا أمن ولا دين عندنا
وعراق بتشكي ظلمنا وضعفنا
بغداد يا ناسي دى مننا وأرضنا
إزاي نفرط إزاي نهون على بعضنا
واللي حكمننا ذلنا وخفنا
والشارونات اللي اتولوا أمرنا
يا أمة ضايعة اصحي وفوقي
ما ضاعت كل أمجادنا وضاع معاهم عمرنا

يا عم ياللي من الهم زارع قيراطين
أبدر شويّة صبرٌ على المشاع في حوضين
واروي قصاري الورد وأسمع لأخوك عوضين
لما يقولك حاسب ده العمر كلّ يومين
تحرّق في دَمَك ليه آخرتها هتروح فين
هي كده مصرنا بتبيع ضناها الزين
وعشان كده عمرنا ما هنزرع الياسمين
المَرّ كله شربنا طول عمرنا صابرين
يمكن فـ يوم نتعلم من احتلالنا سنين
إن البقاء لله وللتراب راجعين
بعنا لحوم بعضنا خفنا من السلاطين
ونسينا رب الكون وبقينا مذلولين
حتى الكلام عندنا ما بقاش لغير اثنين
صهيون يا والي أمرنا أمرك مطاع على العين

قومية غائبة

قوميتي هي هويتي وسلاحي وبنديتي
عروبتي هي وطني بأركانه ومهبط وحي الإله قوتي
بلدي أذافع عنها ضد من يحاول أن ينتهك حرمتها أو يستغل
ثروتى
أنا العربى أيتها العالم بتّ بالأمس مغلوبا وسأفوق وسأنتصر
بإرادتى .
وسأحرر يوما من طاغوت صهيون وسأخرجه غدا من الخليج
وشبه جزيرتى .
أنا المصري سليل العظام بعلمي وتراثي كانت نهضتي
غفوت وطالت غفوتي لكنني صحوت
وسأظل سهرانا حتى أستعيد عزتي
أنا الشريد ابن الشريد من فلسطين مهبط عيسى
والقدس تشكو من قهرتي

لكنني والله سأحررها عهدا على أمام الله
أن أبذل كل ما في وسعي وكل طاقتي ..
سأكون صلاح الدين والمعتصم لن أترككم تمحون قوميتي
شئتم أم لم تشاءوا
عائد أنا إليك عُرُوبَتِي
قف يا صهيون يا ابن اللعين
فلن تنال مني أكثر مما نلتة لحظة غشيتي

يا عم يا اللي ماسك عصاية وعمال تلسوعني
اعرف يا سيدى حالى وشوف إيه بيوجعني
وارحم شقايا ليالى وعمرى اللي ودّعني
وإن كان نصيبى كده وقدرى تفجعني
وتنزل تشيل فرشتي من غير ما تسمعني
وأجري هنا وهناك تشخت ترّجعني
وتقول لى فين رخصتك وتعيش تلوعنى
طب فين يا بيه حكمتك لما تجوعنى
أشكي أسايا لمين وانت اللي بايعني
ده عيال سته عرايا والشكوى يا سامعني
رفعت إيدي لفوق للمولى شبعني
فوّضت أمري إليه اظلمني وإيه يعني

أنا مصريّ يا ناسي أنا مصريّ ياهوه
من كثر أسايا بأقول أيّوه
خدو مني آمالي ووطني باعوه
والكل بيهتف للحرامية ولاد لالوه
أنا مصريّ يا ناس أنا مصريّ يا هوه
بيجروا ورايا بألف عصايا ويحيوه
خلوني أعاني وأعيب في زمني اللي وصموه
وأنا فكري شديد وجهلي وليد قرار صنعوه
أنا مصريّ يا ناس أنا مصريّ يا هوه
غسلولي دماغي وعقلي نفوه
وصبحت أسير للجوع ورموه
وقالولي بكلمة مصريّ أوعى تفوه
قلت أفتح لي دكان قفلوه

دي أوامر سيدى اليانكى لسيدى البيه عروه
وان فكر يوم يتكلم إبقوا هاتوه
أقطع له لسانه لو مرة أتطاول أو حاول بس يقول أيوه
أنا مصرى يا ناس أنا مصرى يا هوه

الست ستيتة خذت حته
على بابها جحش بكا سكتة
قرطاس قراطيس ومن الحته
الصايغ شعبان.الجثة
بقى للمزاج دش بستة
مسكينة يا بلدى يا كوتشينه
من الكومى خلاص بعث هدومى
أكلنى السم فى بلعومى
شغال ببقش فى ملاليمى
مسروع ع الدنيا يا بيومى
خصاخصيك مش راح يشوفونى
كوتشينة يا بلدى يا مسكينة
مش راح أفضالك ولا ثانية

أنا شغالى واخذ فى حالة تانية
جرنال فيه كورة ومتفانية
والست خطيرة معاها بامية
بتقمع من الساعة ثمانية
مسكينة يا بلدى يا كوتشينه
بأدوخ أنا واجري واسعي
على أكل عيشي آخر مسعى
وفى الأنون أنا دماغى ناصعة
يقابلنى مخبر بعصايا يدينى بيها كام لسعة
والبيه يمس على قفايا ما فيش مرور الساعة ٩
كوتشينه يا بلدى يا مسكينه
بيلعبوا بيكى فى مراسينا
البللى ده واد ابن لذينة

كوتشينة يا بلدى يا مسكينة
بيلعبوا بيكى فى مراسينا
البلى داواد ابن لذينة
سيف آسى بيحش فى رقابينا
مسكينه يا بلدى يا كوتشينه
والدو هدوه وخلاص ودوه
على الخانكا رموه وهناك سموه
والعقل اشتكى من الواد وأبوه
أيوه أيوه أيوه عدوه
كوتشينه يا بلدى يا مسكينة
ثلاثة وهما ثلاث ثلاثات
بيقولوا الكلمة بدون شنبات
ويخشوا الجنة ويبقوا إخوات

كان أصل أبوهم ابن ذوات
مسكينة يا بلدي يا كوتشينه
دفنوني وشالوني أربعة
وجابولي بنت مدلعة
خلوني أرقص الأربعة
كوتشينة يا بلدي يا مسكينة
خمسة وخميسة علينا خمسة
الجنحة من غير ولا لمسة
وجناية علشان هم همسة
يحاكمني القاضي على اللزمة
والليل سهران علشان غمرة
كوتشينه يا بلدي يا مسكينه

رقم الإيداع: ٤٧٦١ / ٢٠٠٧

تم بحمد الله